

MAS MUSICA CARNAVALESCO DIA 1 DI MAART!

Your Hepa
San Nicolas

Your



Heineken®

PINTA BO TRAILER Y GANA PREMIONAN ATRACTIVO!
PA MAS INFORMASHON: TEL.: (297) 823750, GUTENBERGSTRAAT # 2, O'STAD.



Local Distributor: Aruba Agencies N.V.



E PROBLEMA DI ASUNTO DI GANGNAN TA ESCALANDO

Siman pasa mi a skirbi, y adverti cu durante parada di carnaval mester tira bista riba e "gangnan" cu ta terorizando rond di Aruba, y ayera durante y despues di parada polisnan tabata tin man yen atrobe.

Mi ta na altura di kehonan cu a bay wordo duna na polis, pero cu "aparentemente" na polis nan no kier scucha y ta **SCONDE** tras di e **ASINA YAMA** ponencia, di "**BINI BACK MAÑAN PA DUNA KEHO NA RECHERCHE**".

Tin mayor cu a bay polis, y cu a haya trato cu no tabata locual bo ta spera di polis,-- y cu a wordo graba--, y cu mi a scucha ayera anochi tambe.

Tin un grupo di mucha di Playa cu awe ta bay duna keho, y ta ser spera cu nan lo wordo scucha, pasobra ta un grupo di amigo **CU NO TA DEN NINGUN GANG** y cu e asina yama **GANG DI DAKOTA** ta persiguiendo y ayera cu **ARMA BLANCO Y CU ARMA DI CANDELA**.

E cos aki ta saliendo for di man, y tin hasta mayornan cu a comunica cu **DIARIO** ayera anochi, cu tin intencion di yama e mayornan tur hunto, pa delibera riba e asunto aki cu lo por bira problema di mayornan contra mayornan, si no pone un fin na e **FORMACION DI GANGNAN**.

Ayera por a tende expresionnan di "si nan pone man riba mi yiu, mihor nan cerami prome cu mi haya nan".

Tambe a tende cu "mi lo busca nan un pa un y lo no tin cunez cu nada mas, ni si mi mester bay cera of wordo mata".

Tin cu a bay asina leeuw na expresa cu: "no por duna keho tampoco pasobra polis tin man riba hobennan di nan bario" y asina a sigui. Mi a papia cu un grupo di hoben ayera anochi, y a bisa nan bay duna keho awe, pa e persecucion cu nan ta hayando dia aden dia afo, sin cu nan ta forma gang, sin cu nan ta cana busca problema.

Mi a pidi nan pa despues nan bin bisami kico a wordo papia na polis, y recherche, e trato cu nan a ricibi etc., pasobra e cos aki ta bay birando serio, hopi serio.

Ta un "**chispa**" cu a bira "**vlam**" y cu mañan por bira un incendio cu "**brandweer di orden publico**" no por para mas.

Ta di spera so cu lo no bin tende e defensa di cu **TUR E MUCHANAN** ey ta muchanan problematico y cu **TUR DI NAN** ta den problema di polis continuamente, y ta pasa tur teenager di e isla aki bao di un mes tratamiento di ta **MUCHANAN PROBLEMATICO**.

Scucha e muchanan, scucha nan mayornan, no ta pornada nan ta bay polis y recherche, y tambe mester pone un fin na asunto di **BAY DUNA KEHO MAÑAN** na recherche.

E pueblo kier pa e tin un cuerpo di polis caminda cu **DIA Y ANOCHI** tin recherche nan na warda pa atende nan, y no den siman durante ora di trabao SO.

Juby